



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՐԱՔԱՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիրի մարզի Փարաքար համայնք
ՀՀ, Արմավիրի մարզ, գ. Փարաքար, 0231 6-00-42, 060-53-00-42 paraqar.armavir@mta.gov.am

Ո Ր Ո Շ ՈՒ Մ

19 ՀՈՒՆՎԱՐԻ 2023թվականի N 28-Ա

ՀՈՂԻ ՀԱՐԿԻ ԵՎ ԱՆՇԱՐԺ ԳՈՒՅՔԻ ՀԱՐԿԻ ԳՈՒՄԱՐԻ ԳԱՆՁՄԱՆ

ՊԱՀԱՆՋ ՆԵՐԿԱՅԱՑՆԵԼՈՒ ՄԱՍԻՆ

1. Հայաստանի Հանրապետության Արմավիրի մարզի Փարաքար համայնքի ղեկավարի որոշման կարգավորման առարկան.

Քաղաքացի Խաչիկ Հովհաննեսի Արթենյանը, հանդիսանալով հողի հարկ վճարող սուբյեկտ, Հայաստանի Հանրապետության հարկային օրենսգրքով սահմանված կարգով չի կատարել հողի հարկ և անշարժ գույքի հարկ վճարելու պարտականությունը, ինչի կապակցությամբ 2023 թվականի հունվարի 4-ին «Վարչարարության հիմունքների և վարչական վարույթի մասին» Հայաստանի Հանրապետության օրենքի 30-րդ հոդվածի 1-ին մասի «բ» ենթակետի հիմքով Հայաստանի Հանրապետության Արմավիրի մարզի Փարաքարի համայնքապետարանի աշխատակազմում հարուցվել է վարչական վարույթ՝ հողի հարկի և անշարժ գույքի հարկի գումարի գանձման հարցի քննության նպատակով:

«Վարչարարության հիմունքների և վարչական վարույթի մասին» Հայաստանի Հանրապետության օրենքով սահմանված կարգով հարուցված և իրականացված վարչական վարույթի ընթացքում գործի փաստական հանգամանքների բազմակողմանի, լրիվ և օբյեկտիվ քննության արդյունքում, բացահայտելով գործի բոլոր հանգամանքները, վարչական մարմինը հաստատված է համարում հետևյալը.

2. Վարչական ակտը ընդունելու համար հիմք հանդիսացող փաստերը.

Համաձայն ՀՀ ԿԱ ԱԳԿ ՊԿ կողմից տրված տվյալների՝ Հայաստանի Հանրապետության Արմավիրի մարզի Փարաքար համայնքի Պտղունք գյուղում գտնվող՝ քաղաքացի Խաչիկ Հովհաննեսի Արթենյանին սեփականության իրավունքով պատկանող 37000000235 գույքի կոդով՝ 0.32 հա տնամերձ, 737000000236 գույքի կոդով՝ գույքի կոդով 0.56 հա ջրովի վարելահողի, 737000000237 գույքի կոդով՝ 0.26 հա ջրովի վարելահողի և 737000000238 գույքի կոդով՝ 0.38 հա կորիզավոր հողամասի հողի հարկի վճարման ենթակա գումարն ընդհանուր կազմում է 152271 /մեկ հարյուր հիսուններկու հազար երկու հարյուր յոթանասունմեկ/ ՀՀ դրամ, որից 122097 /մեկ հարյուր քսաներկու հազար իննսուներորդ/ ՀՀ դրամը՝ ապառք, իսկ 30174 /երեսուն հազար մեկ հարյուր յոթանասունչորս/ ՀՀ դրամը որպես պարտավորությունները չկատարելու արդյունքում հաշվարկված տույժ, որոնք չեն վճարվել:

Նշված ժամանակահատվածի համար հողի հարկի և անշարժ գույքի հարկի պարտավորությունն ընդհանուր կազմում է 122097 /մեկ հարյուր քսաներկու հազար իննսուներորդ/ ՀՀ դրամը ապառք, որն օրենքով սահմանված ժամկետում չվճարելու արդյունքում առաջացրել է տույժ՝ 30174 /երեսուն հազար մեկ հարյուր յոթանասունչորս/ ՀՀ դրամի չափով:

2023 թվականի հունվարի 4-ին «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետի հիմքով Հայաստանի Հանրապետության Արմավիրի մարզի Փարաքարի համայնքապետարանում հարուցված վարչական վարույթի շրջանակներում 2023 թվականի հունվարի 19-ին հրավիրվել է վարչական վարույթի լուսմներ, որին մասնակցելու նպատակով պատշաճ ծանուցվել է /«Ինտերնետով հրապարակային և անհատական ծանուցման մասին» ՀՀ օրենքի 10-րդ հոդվածով և «Վարչարարության հիմունքների և վարչական վարույթի մասին» ՀՀ օրենքի 29.1-րդ

հոդվածի 15-րդ մասով սահմանված կարգով azdarar.am կայքում հրապարակելու միջոցով/, սակայն հաջիկ Արթենյանը չի ներկայացել, ուստի վարչական վարույթի լուսմներն իրականացվել են հաջիկ Արթենյանի բացակայությամբ:

3. Վարչական ակտ ընդունելու հիմնավորումը.

ՀՀ Սահմանադրության 60-րդ հոդվածի համաձայն՝ յուրաքանչյուր ոք պարտավոր է օրենքով սահմանված կարգով և չափով մուծել հարկեր, կատարել պարտադիր այլ վճարումներ:

Համաձայն Հայաստանի Հանրապետության հարկային օրենսգրքի 4-րդ հոդվածի 1-ին մասի 11-րդ կետի՝ **հարկ վճարող է համարվում** կազմակերպություն կամ ֆիզիկական անձ (այդ թվում՝ անհատ ձեռնարկատեր, նոտար), որը Օրենսգրքով կամ վճարների վերաբերյալ Հայաստանի Հանրապետության օրենքներով սահմանված դեպքերում ունի կամ կարող է ունենալ հարկ կամ վճար վճարելու պարտավորություն:

Համաձայն ՀՀ հարկային օրենսգրքի 401-րդ հոդվածի՝ հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ՝ 0.04 տոկոսի չափով:

Հարկային պարտավորությունների գծով գումարների վճարումը սահմանված ժամկետից ուշացնելու դեպքում տեղական ինքնակառավարման մարմինը որոշում է կայացնում հարկ վճարողից ժամանակին չվճարված գումարը գանձելու վերաբերյալ և այդ մասին պատշաճ ծանուցում վերջինիս:

Ելնելով վերոգրյալից և ղեկավարվելով Հայաստանի Հանրապետության հարկային օրենսգրքի 45-րդ գլխի պահանջներով, «Վարչարարության հիմունքների և վարչական վարույթի մասին» Հայաստանի Հանրապետության օրենքի 34-րդ, 53-րդ, 58-60-րդ և 88-րդ հոդվածներով, «Տեղական ինքնակառավարման մասին» Հայաստանի Հանրապետության օրենքի 38-րդ հոդվածի 1-ին մասի 4-րդ կետով, հիմք ընդունելով այն հանգամանքը, որ հաջիկ Հովհաննեսի Արթենյանը /հաշվառված՝ ՀՀ Արմավիրի մարզ, Փարաքար համայնք, գ. Պտղունք Մաշտոց 1 փկղ թիվ 4 հասցեում/ ստացել է Հայաստանի Հանրապետության Արմավիրի մարզի Փարաքար համայնքի ղեկավարի 2023 թվականի հունվարի 10-ի թիվ 35 ծանուցումն ու 2022 թվականի հոկտեմբերի 21-ի դրությամբ տեղեկանքը, որով հրավիրվել է մասնակցելու վարչական վարույթի լուսմներին, սակայն չի ներկայացել և վարչական վարույթի քննարկման մասին 2023 թվականի հունվարի 19-ի թիվ 7 արձանագրությունը՝ **որոշում եմ.**

1. Քաղաքացի հաջիկ Արթենյանից հոգուտ Հայաստանի Հանրապետության Արմավիրի մարզի Փարաքար համայնքի բյուջե գանձել 152271 /մեկ հարյուր հիսուններկու հազար երկու հարյուր յոթանասունմեկ/ ՀՀ դրամ, որից 122097 /մեկ հարյուր քսաներկու հազար իննսուներկու/ ՀՀ դրամը՝ ապառք, իսկ 30174 /երեսուն հազար մեկ հարյուր յոթանասունչորս/ ՀՀ դրամը՝ որպես պարտավորությունը չկատարելու արդյունքում հաշվարկված տույժ: Վճարումները կատարել՝ 72403 /յոթանասուներկու հազար չորս հարյուր երեք/ ՀՀ դրամը՝ 900325185040 հաշվեհամարին /Վաղարշապատի կենտրոնական ՏԳԲ/, 78868 /յոթանասունութ հազար ութ հարյուր վաթսուութ/ ՀՀ դրամը՝ 900325005891 հաշվեհամարին:
2. Սույն որոշումը կարող է վարչական կարգով բողոքարկվել Հայաստանի Հանրապետության Արմավիրի մարզի Փարաքար համայնքի ղեկավարին կամ դատական կարգով՝ Հայաստանի Հանրապետության վարչական դատարան՝ երկամսյա ժամկետում:
3. Սույն որոշման պահանջները չկատարելու դեպքում, «Վարչարարության հիմունքների և վարչական վարույթի մասին» ՀՀ օրենքի 88-րդ հոդվածով սահմանված կարգով այն ենթակա է հարկադիր կատարման՝ ՀՀ ԱՆ ԴԱՀԿ ծառայության միջոցով՝ անբողոքարկելի դառնալուց հետո եռամսյա ժամկետում:

ՀԱՄԱՅՆՔԻ ՂԵԿԱՎԱՐ

ԴԱՎԻԹ ՄԻՆԱՍՅԱՆ

2023թ. հունվարի 19
գ. Փարաքար

